



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

Mallinckrodt, Bernhard von
Monasteri[i] Westphaliae, 1640

Rvdolphvs Habsurgius.

urn:nbn:de:hbz:466:1-11835

rem; & Richardum Cornubiæ Comitum, Regis Angliæ * fratrem. An Alphon- * Henrici 3.
 so Cancellarius in rebus Germanicis fuerit, necdum reperi: vnicam enim li-
 terarum eius subscriptionem hæcenus inueni, quam statim referam; in qua
 Cancellarij alicuius memoria non est. Apud Richardum id honoris & oneris
 sustinuit Nicolaus, Episcopus Cameracensis, prout videre est apud
 Miræum *lib. 1. Donat. cap. 117*, in confirmatione dicti Regis, super cessione Du-
 catûs Brabantia, factâ in Ioannem fratrem ab Henrico, Henrici II Braban-
 tia Ducis filio, an. 1268. vbi inter ceteros testes de hoc Nicolao sequentia le-
 guntur: *Venerabilis Nicolaus, Cameracensis Episcopus, dilectus Princeps & Cancellarius noster.* Fuit hic quintus eius loci Præsul, è familia de Fontanis, ille ipse, apud quem Suffraganeatu functus est Thomas Cantipratanus, cuius de Apibus scriptum extat satis celebre *. obiit Nicolaus an. 1275. Doctrinam eius quod attinet, scribit in Belgica Christiana, pag. 136, Arnoldus Raysius, in humanioribus ab adolescentia eruditum fuisse, ac diuinas quoque literas apprime calluisse. Alfonsi literarum (eæ datæ fuerunt ad Vesontinos) subscriptio, quam modò memorauimus, ita se habet: *Data Toleti, Rege per Ferdinand. Roderici Abbatem Cauerubens, eius Not. imperante. XV Kal. Nouemb. Indiæ. 3. Petrus Stephani scripsit, Anno Dom. M. CCXXIX.* Extat apud Chiffletium in *Vesontione part. 1. pag. 223*. Porro numerus æræ Christ. mendosus est, videturque rescribendus 1269.

Nicolaus
Episcopus
Cameracensis.

* Præterea
vna atque
altera vna
Sanctarum

RVDOLPHVS Habsburgius.

Rudolphus Austriacæ magnitudinis Conditor, cum præter suam & omnium expectationem, non sine diuino nutu, homo militaris & bellicosus; sed, quod rarum esse putatur, piissimus simul & deuotissimus, ad apicem terrenæ dignitatis, an. 1272 concordibus Principum Electorum suffragijs sublimatus fuisset, sequenti anno 1273, Cancellarium habuisse reperitur Othonem, Præpositum S. VVidonis in Spirensi vrbe, vti constat ex Diplomate confirmationis Priuilegiorum dictæ vrbis; quod extat apud Leheman *Spir. Chron. lib. 5. cap. 110.* Subscriptio eius huiusmodi est: *Datum apud Spiram, per manum Venerabilis Othonis, Præpositi S. VVidonis Spirensis, curiæ nostræ Cancellarij.*

Otho Præpositus
S. VVidonis

Secutus Othonem Rudolphus est; cuius fit mentio in literis Imp. Rudolphi, datis an. 1275, in solenni Augustanâ curiâ, apud Goldast. *tom. 1. Const. Imper. pag. 312;* & Hund. in *Metrop. tom. 1. pag. 81.* Electus hic fuit concordibus

Rudolphus
Archi-
Episcopus
Salisburgensis.

M

Ca-

Capitularium votis, an. 1284, in Archi-Episcopum Salisburgensem, in ordine 39; ac quinque annis præfuit. SS. Vigilijs & Eberardi, Prædecessorum suorum, corpora transfudit; ac ab Honorio IV, quem ait Hundius Germanos magno honore profecutum esse, palio donatus est. Originem suam repetebat ex Baronum de *Hocheneck* stirpe in Sueviâ, teste Hundio in *Catalogo Archi-Episc. Salisburg.*

Henricus à Clingen-berg Episcopus Constantiensis. Tertius & vltimus, de quo hactenus mihi constet, Rudolphi Cancellarius fuit **Henricus à Clingenberg**, Episcopus Constantiensis, in ordine quinquagesimus septimus; electus in schismate, an. 1294, contra Fridericum Comitem à Zollerem, Præpositum Augustanum; qui tandem quarto post electionem anno, huic, vti potentiore, & Pontificiâ gratiâ subnixo, spontè cessit. Laudat Henricum Brulchius, tanquam *apprimè doctum, ac summâ prudentiâ præditum*. Legum Doctor fuit, cumque lectione historiarum impensè delectaretur, scripsit in gratiam Rudolphi Imp. in cuius flagranti gratiâ perseveravit, libellum de *Habsburgensibus Comitibus*. In vno reprehenditur, quòd Nigromantiæ artis aliquantò studiosior fuerit.

Godfridus Episcopus Patauiensis.

Occurrit sub Rudolpho **Godfridus** etiam Protonotarius, de quo apud Hund. in *Metrop. tom. 2, pag. 183*, in literis Rudolphi de an. 1279. Fuit hic natione Westphalus, & Imperatoris commendatione, anno 1283, à Canonicis Patauiensibus, vnanimibus suffragijs receptus est in 53 eius loci Episcopum; vt *fidei suæ*, ait Hundius, qui Secretarium vocat, *ac laborum pro regno & Rege toleratorum haberet iustam remunerationem*. Præfuit illic biennio piè & fideliter. *Doctrinâ & prudentiâ clarum fuisse*, non pœnitendum huius viri Elogium est. fuerat antea Solienfis Præpositus, vt constat ex tom. 1 *Metrop. Salisb. pag. 320*; vbi *Magister Godfridus Protonotarius* nominatur.

ADOLPHVS Nassouius,

Ebernandus.

Adolphus, qui post sex annorum, & mensium aliquot imperium, acie victus, simul & vitâ & dignitate abiit, Ebernandi operâ vsus est: qui cum prius Vice-Cancellarium egisset, deinceps consuetum Cancellarij nomen assumpsit. Ante hunc enim (præter vnum Lubbertum Abbatem Egmondanum, de quo in *Wilhelmo*) non reperio quenquam, qui Vice-Cancellarium se scripserit, licet solenniter in subscriptionibus faterentur omnes, se Archi-Cancellariorum, in recognitionum officio, VICES obire. Videantur tamen etiam, quæ suprâ de Gebhardo Constantiensi referuntur. Hic confirmationem Adolphinam Spirensium Priuilegiorum ita subscripsit:

Datum